


TXINDOR GAISOA



Negu gogorra aurten
mendi ta erritan
edurra mara mara
ia gau guztitan

Txindor papar gorria
lotan zugatzean
eguna argitzean
inguru edurretan

Pio pio larriak
txoritxuarenak
otz eta gose dala
artu dau dardarak

Edur izara zurik
estaldu dau dana
nora joan ez dakilla
txindortxu laztana

Nun berotu aintxuak
nun aurki kokoak?
Il bearko ete dau
kantari bigunak?

Azkenez ikusten dau
baserri etxea
tellatu egal azpin
edurrik ezea

Egoak zabaldurik
bertara egara
kokotxu gozoakaz
kolko betetera

Baña etxe artako
mutiko koskorak
sare txiki bategaz
lotu txori egoak

Mutil koskor biurra
zertan abil zoro?
olako txindor polit
apal apaloro
ilteko bide txarran
ipiñi dok, gaixo!

Jaunak egindako dok
txoritxu pozgarri
izan daiten guretzat
abestiz pozgarri

Zaindu egik epeltan
eure etxe barruan
egara egin dagin
edur urtutzean

Ikusiko dok gero
udabari eltzean
txorrotxioka alai
baratz ta zelaitan

GALLASTEGI'k

Emoiguzu gaur: Deuntasun era barria

*Zintzo Jaungoikua'rentzat
zintzo errientzako
gaur biar dogu artzaña
baita euzkaldun orok.
Jaungoikuaren izenian
izan zaitetz errizen abotsa:
maite ele zarra, maite ama lurra
ta euzko lagiak, maite azkatasuna.
Zu, geure artzaña! Zu geure laguna!*

*Izan biar gara kistau ta abertzale
ta lagunakaz lan Euzkadi aldez.
Berbiztu enda zarra ta, geure ekanduak,
geure eresiak, geure ele kutuna.
Jaungoikua'gan geure itzaropena.
Ito biotzian, gorroto-kemenak!
Lagunak burrukan? Ezkara aldenduko,
beti garaituten txarkerin-ordaña.
Lagundu egiskuzu, onetan, artzaña!*

UTARSUS

GARIZIMA

Jauna gurtzeko sasoi guztiak
doguz oso egokiak,
baña soirik egokienak
Garizima'ko sasoiak;
guk kristinauok sinistadunok
eukiaz buru argiak,
esan bear gaizka gaitula
gure JAUN SALBATZAILLIAK.

Guk jakin arren Nok gaizka gaitun
gogotsu ez Du maitatzen;
bestela laster garizimatan
Elizak dira betetzen;
baña aspaldiz Jainko-Elizak
urri itun gauz ikusten,
tamalgarria bane-benetan
orain daudena gertatzen.

Jesus Jainkoak Bizia emon
Gizadia gaizkatzeko,
ta Gizadia gogoratzen ez
Bera gogoz maitatzeko;
gu ez al gara buru gogorak
dan lez ez gogoratzeo,
ta BIDEA BIZIA EGIA
Nor dogun ez jakitzeko?

Bekaizkeri ta arrotasuna
daukaguz gure artian,
Jainkoa gurtzen orrexegaitik
ez gara gartzen orrexegaitik
ez gara jartzen bidian;
bekaiskeri ta arrokeriak
debekatzen dau eitian,
pentsa dagigin una ontatik
zelan jokatu Ludian.

*Gerediaga'ko Kurutze deuna, Durango'ko fedearren ezaugarria, gure asaben esku trebeak arri ederrez eta sendoz landua, bosteun urtetan euskaldunak gurtua bere ta Euzkadi'ren arerioak lerkaz eta gorrotoz lurrertua, zaindu egizu gure Erri zanpatua, indartu gure fede zauritua.
(1980-V-16)*

AZPEITIA'tar Gotzon